



Inatsisartunut ilaasortaq Hans Enoksen, Siumut
MAANI

Suleriaatsimi § 36 imm. 1 naapertorlugu, apeqquteqarsimavutit qassusersorluni aalisarneq aamma qassutaarsiutit ningittagaarsiutillu pillugit. Apeqqut uanga akisussaaffigisanniik akisassanngortinneqarsimavoq:

1. *Qassutaarsiutinut saliinermut atatillugu aningaasat qassit atornerqarpat?*
2. *Aammalu kikkut aningaasaleqataappat?*
3. *Kiisalu qassutaarsiutit ningittagaarsiutillu qanoq annertutigisut qaqqinneqarpat?*
4. *Aammalu qaleralinniarnep matusaanerani aalisartut qassit mattunneqarpat?*
5. *Kiisalu suliffissuarnut aalisartunullu annaasat qanoq aningaasanngorlugit annertutigaat?*

18. maj 2010
J.nr.: 2010-96

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

1-imut) September 2009-ip kingorna sinerissap qanittuani qaleralinniarluni pisassiissutit sumiiffinni aqutsivigineqartuni Uummannaq aamma Upernavik tamakkerlugit aalisarneqarsimalermata, Naalakkersuisut aalajangiuppaat pisassiissutit 500 tonsinik sumiiffinnut aqutsivigineqartunut marluusunut tamanut qaffanniarlugit. Pisassiissutinik qaffaanissamut piumasaqaatitut, Qaasuitsup Kommunia isumaqatigiissuteqarfigineqarpoq aalisarluni atortunik annaasanik saliisoqarnissaa pillugu, tassunga sumiiffinni toqqakkani qassutaarsiutit aamma ningattagaarsiutit ilanngullugit. Qaasuitsup Kommuniata aalisarnermik atortunik saliinermut aningaasartuutit akilerpai Royal Greenland-ilu aalisariummik taamaasiornissamut atugassiilluni. Taassuma saniatigut aalisarnermik-tunisassiornermullu inuussutissarsuiteqartut arlallit, soorlu assersuutigalugu Qeqertaq Fish aningaasaleeqataapput, aningaasallu atornerqartut tamarmik Qaasuitsup Kommuneanit ataqatigiissarneqarlutik.

Kissaatigineqassappat nalunaarutigineqassasoq, aningaasat qanoq amerlatigisut aalisarnermik atortunik annaasanik saliinermut atornerqarsimasut, Qaasuitsup Kommuneanut innersuussisoqarsinnaavoq.

2-mut) Inussiarnersumik 1-imut akissut takuuk. Tamakku saniatigut nalunaarutigineqarsinnaavoq aalisartut namminneq piumassutsiminnik immap naqqaniit aalisarnermik atortunik annaasanik qalluinermi sulisimammata angallatinillu atugassiisimallutik. Tamanna aalisartumut aningaasartuutitut isigineqarsinnaavoq, tassungali atatillugu naatsorsuisoqarsimanngilaq tamanna qanoq annertutigisumik aalisartumut aningaasartuutaasimanersoq. Ilulissani aalisartut suliaqarnerminnut atatillugu akissarsitinneqartarsimapput, aqutsiveqarfimmili Upernavimmi aamma Uummannami

taama iliortoqarsimanani. Qaasuitsup Kommuniata nalunaarusionermini nalunaarutigivaa piffinni taakkunani akissarsiaqartitsinissaq misissuiffiginarlugu.

3-mut) Aalisarnermut, Piniarnermut Nunalerinermullu Naalackersuisoqarfik maannakkuugallartoq nalunaarfigineqarsimanngilaq, qassutikut ningattagaarsiutikkullu qanoq annertutigisut tamakkiisumik qaqinneqarsimanersut. Qaasuitsup Kommuniata nalunaarusiaani ullumikkut tiguneqartumi ilaatigut aqutsiveqarfimmi Upernavimmi Uummannamilu qaqinneqarsimasut ilisimatitsissutigineqarput. Taakkua assigiinngitsumik nalunaarsorsimammata nalileruminaapput. Nalunaarsukkat imatut nalunaarutigineqarput:

Aqutsiveqarfik Upervik: Qassutit katillugu 121-it missaat amuneqarsimapput, ningittagaarsiutillu arlallit qaqinneqarlutik.

Aqutsiveqarfik Uummanaq: 1.008,50 kg. Qaqinneqarput.

Ilulissat paasissutissaqanngilaq.

4-mut) August 2009-mi "avannamut angalareernerma" kingorna ilaatigut Upernavimmut aamma Uummannamut, sumiiffinnit taakkuninnga aalisartunit oqaatigineqarpoq ernummatigineqartoq qalerallinniarluni qassutit aalisarnermut atorneqartarneri pillugit. Taamaattumik aalisartunit annertuumik tapersorsorneqarpoq qassutinik atuinerup killilersimaarneqarnissaa aamma/imaluunniit qalerallinniarluni qassutit aalisarnermut atorneqarnissaasa inerteqqutiginnissaat.

Naatsorsorneqarsimanngilaq, aalisartut qassit qaralinniarluni qassutit inerteqqutigineqarnerinik eqqorneqarsimanersut.

Tamatuma kingornatigut Qaasuitsup Kommuneaa kommunimi ileqqoreqqusaliornikuuvoq sumiiffinni aqutsivigineqartuni Uummannami Upernavimmilu qassuserluni aalisarneq pillugu. Ileqqoreqqusat taakku akuersissutigineqarnerini, kommuni periarfissaqarsimavoq aalisartut pisariaqartitaasa eqqarsaatiginissaannut.

Tamatuma saniatigut Imaani avatangiisit illersorneqarnissaat pillugu Inatsisartut peqqussutaanni nr. 4, 3. november 1994-imeersumi, Inatsisartut peqqussutaatigut nr. 3, 6. juni 1997-imi allanngortinneqarsimasumi § 19-imi stoffinik atortussanillu eqqaasoqannginnissaanik aalajangersagaqarpoq.

Taamaalilluni piginnittuusariaqarpoq, pineqartoq kinaassusersineqarsinnaappat, pisortat saliinerinut akiliisartussaq. Taamaattumillu aalisarneq pillugu inatsimmi aalisarnermik atortunik nalunaaqutsersuisarnissamik piunasaqaatigineqartoq assorujussuaq pingaaruteqarpoq.

Aalisarneq pillugu inatsimmi piunasaqaateqarpoq aalisarnermik atortunik nalunaarsuisarnissamut. Tamatuma saniatigut immikkut ittunik piunasaqaateqarpoq qassutinik il.il. nalunaaqutsersuisarnissamut qalerallinnik, saattuanik, kapisilinnik eqalunnillu aalisarnermut tunngatillugu. Taamaalilluni ersarilluinnartunik malittarisassaqarpoq aalisarnermik atortunik nalunaaqutsersuisarnissamut nalinginnaasumik aalisarnermi soorluttaaq aalisakkanik aalajangersimasunik aalisarnermi. Taamaalilluni atortunik tammaasanik nassaarnermi tamakku kimit pigineqarnerisut sunaassuserneqarsinnaallutik akisussaaffillu inissinneqarsinnaalluni.

Nalunaaqutsersuisarnissamik malittarisassanik nakkutilliineq sakkortusisineqartaria-qarpoq, nalunaaqutsersuisarnissamik piunasaqaat siunertarineqartutut sunniute-qassappat, ullumikkulli aalisarnermut piniarnermullu nakkutilliisunut nukissat eqqarsaatigalugit taamatut sakkortusisitsiniarneq ajornakusoorpoq.

5-imut) Naatsorsuusiortoqarsimanngilaq aalisartut suliffissuillu qassit, qassutit atorlugit aalisaqqusiunnaarnermik eqqorneqarsimangersut, taamaattumillu periarfissaqarani, aningaasanik missaliuussilluni taasinissaq. Tamatuma saniatigut oqaatigineqassaaq erseqqissaatigineqassallunilu piffissaq pineqarmat, tassani aalisarneq uninngatinneqarsimasussaq piffissami tassani pisassiissutit tamakkerlugit aalisarneqarsimanagerat pissutigalugu. Immikkut ittumik qaralinnik 1.000 tonsinik aningaasat aalisartut isertitaasa annertuseriarnerannut ilanngunneqassapput, tassami taakku immikkut ittumik pisassiissutit aamma piffissap pineqartup kingorna tamakkerlugit aalisarneqarmata. Taamaattumik oqartariaqarpoq 2009-mi ukiunut siusinnerusunut sanilliullugit sumiiffiit taakku aalisartunut immikkut ittumik isertitaqaataaffiusimasut.

Inussiarnersumik inuulluaqqusilluta

Ane Hansen

Aalisarnermut, Piniarnermut Nunalerinermullu Naalakkersuisoq